





番易仲公季先生文集卷之二十九

書簡類

復通宗師吳閑



春夏凡兩拜書想皆上徹秋已及半尊辰右何山川  
萬里實深馳仰茲恃平昔輒有稟悃大宗師身在京  
國近日月之光者踰五十年朝廷之尊崇錫賚教門  
之榮盛父母兄弟子姪之光顯播紳士夫文辭之褒  
美高碑大碣照耀山谷長篇短歌布滿海內者無不  
有矣矧大宗師量踰江海徒見如流敬君愛親提掖  
林谷寒微之士不遺餘力貨賄如土芥天下所共聞

也獨于耆耄未聞請鑑湖返故栖者何哉豈不曰教  
門之重難以輕畀古今天下之士因其時隨其人而  
已耳若欲盡如已志人、豈皆百歲哉苟有百歲所  
遭之境逆順必不齊也亦何必以有限之身心而為  
無窮之憂慮哉知足不辱老子之言古之君子有各  
讎者而後世寔稱美之蓋但欲得其人耳或恩或怨  
于我何有大學曰之其所好惡而辟焉言不得其心  
之正也大宗師拳錯進退當上師古聖賢下為天下  
後世衣褐之則豈必較區、得失勝負于一室之內  
一時之頃哉歲晚末路最要力量平生心事于此乎

見他日脩本朝國史方外之傳丘馬已後便及開府  
大宗師本教事業說言正論典刑翰墨必合牽聯得  
書豈不容榮哉苟或毫髮指議則為自負平生甚矣  
古人似不必多道私意牢固者往、以不達時宜為  
竊以令丞相脫、公言之得堯舜之君如彼其專秉  
天下之事如彼其重其年齒如彼其盛而一旦毅然  
謝退萬世當以賢宰相稱之彼生于朔北者而犹若  
是吾人以詩書為事又且游方之外胡為獨不然哉  
區、下邑之賤士顧不足齒于鄉里其于四方何所  
知聞其于尊顯何敢輕議獨以辱誤知者四十餘年

不有一言片語以助聰明之萬一則于平昔安所取  
哉曾子易箒之善蓋得于執燭之童子以大宗師純  
誠之德去曾子固不遠此雖卑陋亦豈敢盡後于童  
子哉書曰有言逆于汝心必求諸道惟大宗師益充  
江海之量以義制事一辭而退使玄風之高比于雲  
漢玄風之重過于山嶽則天下冠褐幸甚、、于冒  
清崇恐悚之至、、不備

慰春谷長老

相別甚久可勝馳仰昨審上方变故回祿及之每欲  
躬造以尽慰誠顧此塵垢汨沒日復一日遂尔因循

甚是慚悚中間丘志遠傳道雅命來索疏語率然綴  
緝不識能合意雅可以拈出西方有少資助否萬形  
有弊亦定數也只宜以幻妄自照未免劫健從新勞  
心勞力者不一而足耳輒此以代面陳伏惟高明特  
賜恕察清衆不及一、、總于慈照不宣

健當作建

慰達自牧

比者不意次郎君高士偶以微疾奄狀仙化一節收  
獲無人往來一溪之隔遂若干里日因家弟自方山  
回方有知聞不勝悲創前昨便道偶及門牆蓋長郎  
君仕有設悅之喜不及舉哀因循失禮何能自文竊

惟次郎君血氣消耗自去春夏寔甚憂之嘗痛勉其  
且拋書息念加意調攝以箇完復柰言輕不足取信  
遽此變實可傷悼敬惟賢夫婦養育至情其何以堪  
脩短蓋有定數千萬寬抑以理自遣勿過戚、不及  
面致區、謹此以首萬一伏惟眷慈特賜寬恕不宣

慰余仲元

日辱手帖脩復甚草、亮不督過季衍後茂而止于  
是甚可惜耳其才足用而德亦甚良左右又失一疏  
附柰何、下利而謔語以手自循衣領忽不語皆非  
佳證殆亦命遣也區、衰老弗克相与扶持又不能

面致慰言今聞出殯又不能助執紼皆可愧者幸照  
恕其不逮諸需晤首不宣

與蔡敬初及鍾伯儀

春初相別後一向無從知動履每以為念時萬來首  
詢令祖壽康不勝其喜且審二潭弟尊幼皆萬福蓋  
足慰浣一君子既有室家盡心幹蠱是即學也以其  
餘力親師求友庶不偏廢耳穫畢新涼能一相過否  
乎因便布此惟自勉不宣

復吾尊光

渴教甚矣中昨承菊節相過之約不勝其喜花外小

車日跂望之何以杳然方此疑慕忽承手畢敬審初  
寒履用勝裕用以自慰吾曹隨時守分簞瓢陋巷自  
有其例吾兄優為之區、之見自覓孟親切但泐沒  
于應酬耳甚不逮聚辨潤踈如許深自恐缺記文愚  
見所到其別楮謬語徒汙玉楮拜領厚餉皇汗而已  
紙尾所踰謹在下懷不可以為定擬有機即合可也  
匆、終復不宣

尚敏來復辱教翰敬審春氣向和履用曼福慰浣以  
之清得無音耗但聞李載翁之子在廣西有家書云  
本官以帥府委出名郡催糧審如是則官况已安適

矣區、新年感頭眩之證畏出且飲日前畧過碣石  
即歸矣車從旦晚過洪都千萬賜顧以請警策不宣

慰艾孟質

不意慶門变故文、學士偶以微疾遽棄娛養敬惟  
慈孝由衷哀痛柰何去冬曾過仙里荷文、款曲論  
及調攝亦嘗僭越供方何擬至此實深傷悼不能已  
矣義合匍匐徃吊偶于近日過旧居路滑有失遂于  
左手脫骨傷筋老耒氣血衰邁未能卒愈坐此失礼  
慚負幽明萬罪、伏惟孝慈特賜恕亮賢昆仲不  
及一、奉狀總干台照不宣

慰君德

不意尊師之鄉真人偶疾偏未遂以不起聞訃不勝  
淒楚追容夏初感之際與在藥餌調護之末日望  
其可何擬至此敬惟玄鄉真人高風雅度聞于中朝  
播紳之間長歌大篇膾炙于海內士大夫之口酒釀  
茶灶來四方之賓客者皆非一日矣使者而艾更從  
容乎人間世數十年良不為多竊想授受之義何以  
克堪所幸造詣高明洞烛幻妄無所芥蒂其托交非  
薄交病不能匍匐有負幽冥且審冠劍將藏董此以  
首不敏尚賴告曰几筵特賜寬恕曠谷真人幼菴南

陽襲常諸位真人不及一專書申慰總干道照不  
宣

與教諭王彥良

新年未能致道長之慶者蓋以前月初四忽得頭目  
旋運之證每勞常作倒仆之勢藉尊庇服藥皆向安  
昨日荷士則昆仲相過不免快意中過飲數杯似有  
再作之意大概疑是痰飲使狀由是失礼于左右已  
深慚悚茲承公牒談為上丁釋奠在即義合隨班  
觀礼坐此不能前也仰負盛意恐无地謹復將命  
悉需良晤首謝不宣



與劉彥基

未能躬造山樓以謝枉顧之辱竊聞行李將赴秦淮  
又不能走餞慚悚之至皆以新年忽感眩疾故也幸  
照恕清江紙四百番聊奉翰墨之餘沿途千萬自愛  
領袖名山惟大公至正以先立學幸甚不宣

復姜士明

久缺晤語每用馳情比者即君相顧敬審履用萬福  
復承手墨春風向和君子順時燕室實深慰浣其欲  
一造楚塘新迂前月忽得疾眩之証應酬稍多飲食  
失節則即有奔發之意兼積雨東風途潦皆所畏者  
坐是未能動脚耳即君趨向甚佳願此貧賤之夫且  
老退未能有所長助也未間徒用拳、不宣

又復亢太朴書

夏中承三月二十七日書秋末又承惠書喜審用力  
寔地且得賢主人道同志合相觀而善此其時矣傳  
文甚感介念劉仲儼未曾至此區、材小志卑氣弱  
習薄年已無葺自視其中無足齒于人者比蒙不鄙  
遠賜臨顧已 哩荐屢惠帖犹見高明君子之道

考諸三王而不繆建諸天地而不悖貞諸鬼神而無  
疑百世以俟聖人而不惑古人如此的當立言豈可

不以此自察吾志吾習果為不謬不悖無疑不惑否  
乎非精誠不能辨非強力不能行何時簪盞以究欲  
言孝女傳在來春納去但化金一節更宜考及葛祐  
為何處人一女之名謂何得賜詳示尤君靜仲儼來  
識面不奉書會簡煩致下意餘惟以古道自任日進  
高明不宣

荅吾君錫

某生髮未燥時已聞有縉紳之家在比郡佳山水之  
會而詩書禮樂之習少長揖讓之風蓋自昔矣既而  
人聞從大父在故宋末与先世有塲屋之好夫如是

誼固在通家之後甚願一望門牆而汨沒塵土齒豁  
髮白卒莫之遂去歲夏中忽一客欣而清揚過敝廬  
者揖而問之乃郎君之季一見若舊与處從審養高  
出勝尊族曼福其何喜如之惜此鄙賤無以相啟徒  
負其犯暑遠來之勤政深愧悚而雲翰飛墜詞氣護  
降錢塘之名筆吳興之妙墨襍然而偕自惟窮鄉下  
邑之踪孤陋寡聞之輩其與識不及于門著其姓名  
不齒于州里何以拜貺于先生長者如此其感忒偶  
以俗冗不及隨時脩復皇恐之深諒高明必不督過  
簡文字說荒拙可愧過目之餘覆瓿可也

與吳簡文

至正甲午閏三月  
避寇臨川大山作

曩歲嘗造門墻辱禮遇甚盛其後先大夫捐館相去  
差遠無由知聞失禮殊甚徒愧感不已別後盜賊昌  
熾將謂前代詩禮脩積深厚故家喬木必皆無恙揭  
來臨川大山之間首與名旅明善會詢知繞池華構  
一旦灰燼不勝慨嘆區區鄉里遂為寇藪頑忍且三  
年不去者一以平昔與人無恩怨或者可以相忘二  
以老病連年誠恐死于道路只得風餐兩宿草根木  
皮甘之如飴矣不啻近者暴橫愈甚里之死亡十蓋  
八九故為此來甚非得已而赤手空囊艱余擇楮遂  
致大窘雖欲返吾屠羊不可得已仰恃平昔輒私布  
之草、干照亮不宣

與張玉文

至正甲午寓  
臨川大山書

曩歲嘗解后于桂氏之館承顏接辭如春之溫別後  
伏無聊之踪自然與用世之偽濟時之英動為參  
商總見之難勢則然耳盜賊猖縱胡于此時遲莫遭  
之殆自笑其殘喘何為也竊聞首倡大義得卒伍心  
鄉閭按堵復散其所積以贍困乏雖古之能事不是  
過也勤勞昭著爵賞頒賚公私之論其誰曰不宜久  
欲一脩賀櫝困頓于憂危之中隔絕于往來之便坐

是失礼慚愧何言區、頑甚棲遲敝廬且三年矣近則暴橫益甚凜乎不安只得挈累暫寄臨川大山之間赤手空囊艱余擇楮遂以大窘敬惟閣下不唯一鄉之所倚賴斯文之重寔有望焉兵為危事夫子所慎臨之以威係之以恩戒厲不忘訓練不馳毋恃敵之不我攻當恃其不可攻也瞻望壁壘不能飛越無任拳、不宣啖當作嘆

與危太朴

肅拜具記太朴編脩尊契兄去年凡兩奉書其一托王用亨轉附天師卷中其二王伯衡便想皆無浮沉

吾嘗雖在窮山絕谷間深知仕宦之難也苟要慕古如平日所葺未免取迂致禍苟但隨人徇俗則失也負所學故必有時中之道耳所以書未免切怛瀆聽也新春水判官况必佳區、傷手至今未能復常殆廢不用矣舍此無足為知己道者祝潯州一向杳然無音所傳不一老拙有詩數首就此抄呈近作數篇同到鑑其可否茲因張孟循便謹布此未聞千萬自爰自勉不宣

荅危太朴

王伯衡歸得所惠書敬審榮授天恩分教成均不勝

贊嘉隆古以來成人有德莫此為重在我者可不盡  
心與之為嬰兒徒借徑出身固非士君子之所為施  
之夏動用聲色以取幸矣亦恐非宜但當竭盡此誠  
勤、懇、告之以忠孝使自敬其身毋自暴自棄縱  
彼不信不聽而吾之此誠不改不移人心皆靈夫豈  
無万一感悟其間徒汲、于口耳之末何益于朝廷  
哉勸勉得几个人才亦不虛受一命區、是深山窮  
谷無用曰就衰槁之人而每于當世亦或有不能忘  
情者故漫進此說不審左右以為然否尊兄今既登  
仕板又難司布衣之時一日肩頭上重一日又要和

光同塵又要不失己不負平日所學豈不是難千萬  
几百樸寔莫改草菜寒酸粗衣糲飯莫妄攀附莫強  
追倍徒自取煩惱增進負繼得一美除養廉俸祿亦  
有限其間致曲有多少憂危處非做家私還債負之  
具也此是古今儒者斷、不易之義尊兄高明何待  
愚言然雖索既久不敢不告也又聳續絃已定想只  
求情白布衣之家庶婦 子不驕奢相安千萬毫  
髮不可越分恃愛與非一日故敢如此直言想不責  
怨謬文數首錄去求教後俾幸批示可否未聞千萬  
自愛不宣

通張仲舉

舍姪婦自京師備道動履之適且萬里一身復感疫痢仰拜扶持之德臨歸又辱贈言之教同一感戴玉伯衡婦共審史事畢功聖恩陞擢近居玉堂風日不到之地例用贊慶頌此衰朽株守山谷相望萬里無由面致頌言徒有傾企而已向承賜翰中及士則書事即以來緘示之渠云俟則虛行時當拜納也但近者其尊人寔安之後即赴徽學不及相別未知能踐前言否也賴士恭早晚必來彼亦葺渠前說必不食也向來欲巨眼為去取區、平日數篇謬文以無寫

手不能盡錄太朴處有數篇今再附去續藁相會千萬商確或有可以存示後人者留數篇不然盡以覆瓿可也未間千萬為斯文自重自勉不宣

又與張仲舉

某頓首再拜仲舉編脩尊兄閣下久不奉書良深瞻仰中間竊葺使騎暫出錢塘刊書度必有期程不久即還朝也山居深僻不逢良便無由承動靜耳春深氣和官况必佳裕玉堂風日所不到士君子抱經濟之心黼黻太平學与祿位宜俱進矣區、年邁而德不修徒朽林下無足為久要平生道者茲因張率孟

循之便輒布此奉起居孟循以草萊之跡安游京國  
進退之節學問之際皆賴豈弟有以教誘而獎借之  
未聞萬告為時自重不宣

通虞學士

比胡士則便堂草、拜狀且以鄙文上塵書月借易  
方此自咎其歸也乃蒙高製過許之辭非所敢當警  
策之意實深感服士恭來又辱齒及礼合躬望履  
少声萬一之謝属以春中僵仆傷手骨脱筋繼今八  
閱月四更医而酸楚軟弱如故飲食衣服動必資人  
甚無憐也坐是奔走不前慚悚之至茲因清溪道士

程希浩自規華盖之便謹承具居且首不敏伏惟尊  
慈特賜恕察區、之年踰六望七比築一居于竹莊  
之上去家一里而近扁之曰俟菴盖取諸易俟命之  
意也賦詩三章別緒抄呈其味况盖如此耳自規謹  
愿人也尝延致藥齋以啟勿頑趨向甚不卑下乞  
予進少教誘之恭奉末由萬、昂茵自厚以壽斯文  
不備

与閔仲魯

肅拜具託仲魯擇善尊畏友兄久不奉書良深馳仰  
歲裡得元易數字云尊兄有書倒蒙齒及何以克當

每有秦淮來者多言尊兄買田築室納婦生意藹如也何緣元易書中有又有不足之嘆吾曹年事若此凡百皆前定安之而已耳區、雖有三子薄少祖業折而為三各私其私老來應酬衰、以過日甚無謂也去春僮仆傷手今已一年犹酸軟不用餘無足為知己道耳最是西昂夫非前日稱遠來遠蕃遠內人及長媳皆相繼受故蕃遠又困于烟瘴久無消息殊可念也不肖有夢之懷之二詩因錄去過日想因此情尔記得去年曾奉拙字尊兄郡庠既無賤責而又子弟何以應門且一舟溯流來預省生死一番亦

一好事不審雅意然否未間千萬自愛不宣

与弋陽監縣

廿四再專人并奉書到董店攀屈則車騎已東上矣不勝馳鄉之情竊想錦還侍奉舅福合堂均慶延蒙不鄙賜以台翰并致佳教祇愛慚悚不可言也十月之別千里而歸以賤疾之故畧不能獻一茶其為缺礼未有如此之甚者相度雖不加謹如此自愧何輒有薄物聊首冬敏時寒晤对未涯萬、苗鼎自厚以迓續光寵不宣

又与危太朴



比作一書中賀托王用亨尋便附上不知曾徹省覽  
否絃歌乃在辟雍環而現聰者皆當世之英四海之  
秀有開發之機有相觀之善有起予之樂不負所學  
此其兆矣但信于古道者必不合于時宜近于時宜  
者必或遠于古道酌而中之不其難乎前者之言出  
于分外不審能如雅意否也任他千鬼百怪我這裡  
只是一箇至誠知之為知之不知為不知能為能不  
能為不能莫相陵駕莫相欺詐亦自心逸日休古今  
天下唯至誠感人深或卦六爻比無大吉以此見感  
人之難纔有一毫私意便不足以感人矣唯有一介

至誠上事天子下接臧獲臨患難死生際之皆當如  
此也胄孝樂教是三代盛事然頗聞亦甚難處既居  
其位不可不精思熟慮庶几求所以少稱其職者此  
士君子之用心難与他人言也區區老退交游中用  
世日顯進不免掛懷不覺如此齟齬耳幸恕其僭乎  
生數篇謬文近方收拾其可以不甚鄙倍者由示子  
孫輩况我太朴所見或有稍稱盛意稍合輿論者幸  
示其目庶憑以去取仲季相會之際幸致此意又况  
仲季在吾邑時多有倡和今皆無藁或有所收者并  
幸抄示晤對未涯千萬以道自重不宣

與薛玄卿

比嘗脩謁無所効勞猥蒙延遇臨別筵篚之將旅瑣  
之需頌何以得此于左右慚悚而已仲元歸又領手  
帖敬審尊恙雖未復常亦無加進為之喜躍况雲烟  
湍幅龍蛇變化復示教高吟益用贊慳達人知命順  
天能自排彼二者將焉所騁區、雖鄙庸于此所見  
頗為不謬復有八字為公獻幸賜聽納順氣壯脾驅  
風養血千萬不必求速已也氣順則疾自不生脾壯  
則飲食自美二便宣行以時精神自暢驅風則客邪  
以漸而散養血則不致偏枯此八字者雖使古人復

生亦不以為非僕自信得及故敢為左右言也續聞  
用朱元善針此公之針得傳當有小快舒真人壙記  
亦發在崇文方丈雖掛一漏万自當有天書時書者  
耳地遠不及時致安問万告恕察不宣

與王用亨

久不承動靜馳系以之尊公貴恙雖未全復近可以  
扶掖出坐堂上及明樓下此獨可為萬里賀他無足  
云者比不意嘯碧真人來復法師相繼化去道義之  
門雖無死生之累然愛敬之情不能不為之傷悼也  
札合脩書申慰大宗師真人亦以夏秋多疾精神索

然從事樂以終日殊後時也仲奔編脩必時得晤  
言家姪去時嘗奉片柬令不復作無謂之字千万致  
此意也伯行以何日到都舍姪以目青附舟尾甚足  
愧悔不審日一行曾有牽聯相累者否伯衡以何日  
赴上此萬里之初步少飲酒當如往聖入太廟每事  
問則悔各寡矣僭越幸怨儒書尊其所聞行其所知  
知則庶不孤矣更不專狀叔況勢異簪蓋未涯伏楮  
拳、不宣

与王振姪

相別容易秋亦半矣不審所患目疾若何舟中一衆

曾有相累者否老叔甚不自安也中間頗聞暫由弋  
陽舟不相待得非諸公以目故不相安樂耶此亦人  
情之常老我甚不自安也在何處及令母舅以何日  
到都在何處安下所幹有無緒皆願聞之家舍鄉里  
別無他事但早稻過旱裨補過不及約半收耳晚稻  
得雨却好可以無飢鶴田長幼皆如常張坊竹庄亦  
然到杭曾見危先生否張編脩先生時親否老叔今  
夏甚多病右耳目几于聾眇亦氣血時節當如此也  
聞河橋邵南二叔、此際必在都下千萬為致意二  
舅父不專狀可道上覆不宣

與吳宗師

比承寄示佳章典雅精緻捧誦敬嘆甚欲奉和終不敢以土鼓瓦缶之音妄續閔睢之亂也亮不督過高弟嘯碧真人乘驛而化適在名山雖出世之季來往脩然而授受之緒先後之勤寧不為之一傷懷耳瞻望万里恭奉末由哀慰此心仰祈照察不脩

與逢復亨

不知音問者今又一月餘矣僕曾兩歸自市皆言及見賢父子想只為聽對故事耳不審此際辨明若何亦曾有折衷之言者否田土戶婚非和不了與其費

而爭不若費而買此鄉党之同論也秋燥如此蕎麥亦不可擬然滿城風雨蓋亦近矣薄禮脩緘為合堂尊幼福履之問幸一咲置之侍次多上覆不宣

與饒亦雲

前秋便道伏謁尊俎以款之筵篋以將之豈惟慰浣其積年之傾渴而已也別來容易再期愧感之悰未始少置中間竊聞頗有橫逆相望百里實深馳系君子所履其旋元吉何喜如之春氣日和動靜宜裕有不暇言區、老來竒蹇一孫五歲而夭其况蓋如此也他無足為長者道次見某不自量其駑鈍妄意奉

業且子由与其進廣東南之美盛德君子事也願感  
刻當何如瞻奉末由萬告眠食自厚不宣

与楊聞翁

曩承尊頌未遑脩謝客冬又拜教翰慚悚不可言開  
春本謀納謁偶感頭目眩運之証遠藉尊芘雖已向  
安或應酬食稍多或飲酒稍過時或微見其端兼以  
積雨東風途潦皆所畏者坐此食言停雲泛雪之之  
義胥失之矣惟執事亮之執事以高才博學着而成  
書而讓損過情乃復下教瑇琳瑯玕羅列几案頌不  
自揣量輒以膚淺之學俄頃之祭窺現妄度多見其

不知量也執事畧不加責開曉告諭層見疊出心身  
甚盛雖古之君子何以加諸銳謀一謝少盡區區而  
行止非人所能乃如此者苟執事不以其愚而卒教  
之幸憲亦其副使得潛心細繹倘有一得別當布稟  
否則敬俟錦還還之日根此哀憊以請緒餘庶為尽  
忠于左右也戒途尚在何日不能攀餞伏楮無任拳  
拳不宣

賀陳則虛建醮

茲審大開醮事弘濟有途不唯宮門之盛現窮鄉下  
邑之鮮見者願此深山野人筋力視听哀憊久矣不

能少効驅策之萬一慚悚何言草木之實隨其所有而獻之伏惟高明特賜笑由不宣

謝縣尉

比承枉駕田舍村塢中不能為車騎少淹慚悚不畧可言既望專去脩謝暇止益重不敏雪寒履用佳否懷仰以之頽此歲晏四壁之家無多將意瘦鳩薄酒聊表此誠伏惟台慈特賜麾置餘容開春晤慶以既不宣

荅李耐軒

比者脩慶門墻重蒙與潔繼承會婚相過客齋不能

款奉良用慚慙日昨暫還田舍首披教墨且有腆貺為次令孫春初診視之謝一時恐悚無地疾病相扶持古之道也况宗党子使其有効犹不當有所取受况其淺率窺度不中天淵之殊如冰炭之異乎此乃講報是愧吾也業已祇領有難卷錦徒負芒刺于無窮耳見輩終復不謹輒此少見區區尚容晤盡不宣

荅楊顯明

比承仙邑萬兄偕清溪觀張道士相過遞示手帖以去亟不及隨時裁謝政此愧悚復沐玆翰敬審佳裕良慰馳系近者直清相會之際備詢進學綿密不勝

贊嘆思欲一見而不可得也復賦遠游益用欣怍士  
君子之出處非一已而已也伯友餞語甚佳俾僕序  
之雖燕穢之時所不敢靳而批康在前良可羞矣歲  
昨乍遠千万凡百自愛自勉以即遠大不脩

慰何君壽

某再拜 北堂孺人偶以微疾奄終上壽頌相去差  
遠往來東續潤疏已久無由知葺兄升來出手畢乃  
審慶門有此安故為之悲悼不能自己竊想純孝由  
衷痛苦柰何義合辨香之敬屬以新春以來衰老多  
疾齒牙之風腫未已而足瘡之濕潰繼之食飲不能

隨衆履屐亦所未堪由是奔走不前謹此以首不敏  
伏惟孝慈特賜恕察餘惟節抑強加饘粥以終大事  
以前顯揚不宣

慰汪伯羽

雖別久不敢以彛語為孝思瀆首祈情亮不意慶門  
禍故先丈翰學偶以微疾遂弃榮養相去差遠聞訃  
後時不勝驚悼竊惟先丈以盛年傾逝愴恨固深然  
賢昆仲壯遊于万里之外能致身于功名之途此亦  
可以含笑于九原者矣賢昆仲祿未及養推痛終天  
不言可知詎合躬致辨香之敬寔以衰老之餘加以

頻年憂患小。疾疢無日無日。由是奔走不前。謹此以首不敏。伏惟孝慈特賜恕察。令弟教諭遠在遼水。還有音問。到彼即一歸。否更不別狀。餘惟節哀順變。強加饘粥。以終大事。以前顯揚不宣。

慰李耐軒

日者不意令孫林揚學祿微疾。長往永棄。重闈雖嘗。獲與扶持之末。顧此膚淺無術。以起之。有負平生愛與之。感慚悚何言。每惟令孫德性有溫良之風。趨向無市井之習。青年筮仕。方有其緒。而遽至于此。不但合堂尊幼為之懊恨。凡在鄉党親契之末。莫不為深莫昔。

也。日昨曾去致辦香之敬。以時暑不敢起居。曾煩致意退而思之。失礼殊甚。耐軒高年如此。亦宜自開解也。叔揚雖死。幸有三曾孫焉。此其一也。末病時。嘗聞其欲赴延平。倘出在二三百里之外。或已及其地。而遽至此大故。則一家之心。何時而滿足。此又不幸中之大幸者矣。董此布首不敏。万告尊慈。特賜寬恕。不宣。

慰張主簿

托在一廛。而稟違動在半載之工。中間襲慶。遠歸非不知。聳蓋以春中因跌傷手。骨脫筋縱。酸痛軟弱。意



緒無慘皆謂老來血氣非百二十日不能安也今更  
醫者四人已六閱月矣未見平復由是于所以事賢  
大夫之禮者皆廢也比者不意太夫人奄終上壽聳  
訃極為悲傷閣下勞于官府之事舟楫數千里半年  
而後復位刑獄之審又有相惱此情可以想見日外  
猥荷記臆名酒屑面惠及林下感佩盛德慚悚無地  
董去線香一炷點心粗菜為太夫人灵几之獻不敏  
失禮無以自文乃告台慈特賜寬宥聞由襲慶時貴  
証又復奔發一次不審輕重与向時若何萬告節哀  
順變強進饘粥以終大事以前顯揚下情無任孝

不宣

慰胡士則

比者不意先文朝奉偶以微疾奄終上壽茲聞他  
告吉行即出肩伏惟賢昆仲純孝由表父子之親幸  
隔前壤痛毒何以自堪願先世以來泰在未交情隆  
義篤禮合与奔走相抗緝窺山林之勝信侷魄之安  
而屬者偶過舊居路滑僵仆遂于左手脫骨傷筋陰  
雨未解旦夕酸楚殊無慘賴醫者謂血氣衰憊難以  
速愈坐此不能前進上負幽冥何以自文二脉犬又  
皆假館餬口謹遣幼頑多代捧瓣香尚賴告白凡

廷特賜寬恕餘惟節抑凡附于棺及所以固其塋域  
有足以宜其後人者必誠必信顯揚之道如川方增  
謹奉、不宣

慰汪仲罕

不意慶門禍故先大夫遽捐館舍地遠初知葺春首  
偶解后次即君于士則昆仲處為之驚愴不能已  
伏惟純孝由衷哀動摧毀何以自堪不審比者体力  
若何敬惟先大夫風學逢特錫命者七文章壽考蘭  
玉森茁于人間世亦何憾者而解阻三衢及于娛奉  
父子至情盡善盡美矣不審襄尚在何時曩所營者

陰陽家無所拘忌否托在末交義踰骨肉千里匍匐  
顧此當然交春之前偶感眩冒調治稍安復因僵伏  
遂于左手腕骨傷筋青腫軟痛飲食衣服皆資于人  
是以奔走不前仰負幽冥死罪、哀詩三章香三  
上首此不敏敢煩告白凡廷特賜寬恕餘惟節抑加  
餐以終大事以前顯揚令姪李佩賢宰更不別狀總  
干台照不宣

慰楊顯民

頓首再拜顯民翰學尊畏友兄侍史別固久不相葺  
問者亦久去年李梅張兄來蒙惠書且拜令叔野碧

季兄賜翰其時以此兄再造相之說是以不及裁謝  
慚悚之深比審判政孺人棄世不識以何疾遽至大  
故年寿若何地遠不能匍匐奉辦香為之愴惻不已  
竊想執事中年失助就中流之舟而失楫顧此傷弓  
之鳥不免為執事動懷衿佩滿門賓客時至中饋無  
人宜若日不暇給矣為之奈何然執事亦必自有以  
處此也陽陰叢不可深泥殞亦不必久擇其稍煖爽  
之地則即可畢事高見以為何如潯州之傳意竟不  
虛痛心短氣此非一方一曲朋友游從之私也執事  
之懷亦不異此區、有夢之懷之哭之、詩董此抄

呈比及歸觀執事能一來否能來千万相約于何地  
相會意欲承教或得不外下顧則所甚願望也茲因  
子夔便謹附此首不敏萬告亮察不宣

蘇唐文集卷之二十九

番易仲公李先生文集卷之三十

書簡類

與鄭子夔

掛劍桂林非不知之願此以塵垢度日加以衰老多  
疾朋友相觀徃々澗然新涼想鼻比燕裕今年從人  
曾遇進賢否官陂水北曾有音耗否願願有所養也  
李如心謂將謁門墻因得寓此如心坦然可交君子  
人也雖暫以青囊游無毫髮市井江湖之態其所指  
願在相里者可以知其淺深矣未聞千萬為斯文自  
厚不宣

又書

比承教帖有相頌之許何以杳然相去雖近頗難問  
便由是東櫝之敬易得而疏蓋伯友之招既不能奉  
命必合以時裁謝不狀或以吾為簡斯罪過矣苟門  
墻多牽制亦未有僕輩往來則此間或得端便徑荅  
書去如何唯命可否

與張孟循

二生乘接手帖敬悉偶賤跡過下塘舟由二生一宿  
蓋頌已見識不明恐相悞願加少詳察耳樂生性急  
甚不樂之告之曰吾欲治子以實熱也何為少飲水

即停中而泄下吾欲治子虛熱也則子童州何為而  
有此政在疑貳不決之際而子望我以古之神聖者  
何耶吾其不能為子後矣方丈信遲一二日奉荅薰  
生煎藥則神効蓮心散員藥則無比山藥員他需面  
布不宣

又書

允叔之歸之日僕適有下坪之行是以不及奉東明  
友講學且宜以痛改習為第一義求欲速成非善孝  
者也胸襟苟未正當而遽有見解真所謂假寇兵而  
資盜糧者也高見以為如何子中想已安區、省得

一行苟未安必當有續帖也纔還常住但不免有斷  
續之慚尔外附書一封還李如心葺其相知日多可  
喜可喜方丈臆腑想全安帖矣又、

又書

頽此衰老時勢不能少尺匊匊之義日昨嘗奉一書  
申首附渡所曾徹覽否續聞先樞欲以七月叔眉愚  
以為此卒未安士逾月而塋喪禮稱家有無避貧賤  
求富貴此後世術家之說耳只當擇家山一平安之  
所或祖壟之旁莫要一番作兩番事在後事皆難測  
度起意難也且如先文之葬矣者費子多少心机氣

力未知所作曾合曾揚恐少債負亦尚未零利托在  
久要不避潛越千萬入思及時畢事為是不宣

与官景文

濶踈殊甚得書欣狀且審履茲新和起處均社益用  
慰沃因記去秋景春相過時調從者必由鶴嶺回途  
可以相頽既而香狀殊慳、也喻及元敬郎君肯來  
相親此乃美事頽當庸鄙所願葺者柰年來衰憊殊  
甚百念灰冷頗務息即無開講之事前日李堅之遣  
一孫過此抄教篇尺積或兼旬一日即歸也取是別  
無空閑房舍可容長兒薛館昔農圃亦恐不能奉周

旋耳甚孤盛意尚容良晤以首謝不宣

與陳伯柔

肅拜具記伯柔大學尊契兄相別經年先堂太孺人  
弃世之後久及知葦相望數百里不能匍匐往哭嘗  
奉一書首不敏亦不記附何人不知能達省覽否也  
前年李如心來遞手帖又蒙双墨之惠披誦所喻情  
義藹然一向不及脩謝亮不責也子斃會間審琴書  
甚適得賢主人非特館穀又日有切磋之樂賓客遊  
從之盛所寓又得重屋有湖山眺望之具健美々々  
久不及奉柏友書甚自愧也茶話之際幸致早意車

從必常入城必與陳仲益相見葦其先大夫存時能  
備言疊山夫人李氏當時建康獄中死事區々與陳  
仲益未及識不敢冒昧奉書倘有其說能記臆或先  
輩有所記錄千萬抄示至感蓋夫人乃家姑也是以  
敢請外葦伯恭常々感冒此乃稟氣薄弱寒氣踈散  
之藥不可多進燥熱剗重之劑亦不宜輕服治之當  
以和平為上狀皆屬外治其要莫大于寡欲也雖未  
識亦僭獻其一得之愚千萬相恕亮也葦左右多有  
好文字有便幸見教未聞并幸自勉自愛不宣

荅曾文哲

比辱相碩既以識荆為喜復以荒涼畧不能款曲從者為愧也別去容易旬日人來復領手畢清秋審履用任勝慰浣莫量全祖德望如此豈區、所敢擬述嚴命謹遵掛一漏万徒悚反耳二卷子及帖各贊數語恐不足括出也尊翁翰學不敢冒狀奉狀入侍多多上覆不宣

与曾子白

昨兒子率造門牆辱与其進連日且為左右擾未歸復領報帖藥石之惠甚愧悚也此子出于僭妄而其志似亦不可沮况又遇大君子有以鼓舞变化焉敢

自外自棄第具田主人必欲尋盟遂不得日夕承于講下一暴一寒有所不免茲因其請益之便輒此起居春和景明賢主賓賢師友詠歌之餘繼以舞蹈蓋可以想見也未間千萬自愛

荅胡伯友

賊質本浮為學不勇內無萬寶有守之行外無典雅可傳之文駁、其衰方此自訟而樂道人之善者往往過听甚自愧也六月十九日子堯通示手墨捧讀如承議對足慰平昔之所葺第搗讓之美溢美之辭皆不敢當伏謁賓墀寔所素願非唯文獻之足徵浩



然江海之氣必有以洗此固陋者時秋熨熾甚且有  
升斗之獲既直清祝君歸自江夏將為廣西之役約  
以仲秋之末取道樊里聚辦而行苟奴其來亟  
以去彼此必將皆有介然于懷者疾坐是徂冬北風  
其涼頌塞向墜戶而處身日于道左方直文變既不  
能奔走雅命復稽于執謝雖執事不督其過如此恐  
悚何歲且晏千萬自勉自愛下情無任拳拳不宣

荅蔡敬所

荐承教墨慰浣莫量敬所之事字出于顯民其義其  
說合顯民為之而何乃下徵于老退無聳者又恐拂

盛意杜撰數語恐不称邪懷覆瓿可也外承為令弟  
矚視區區之心于人家佳子弟愛之不啻如己子弟  
合奔走素衰疾病日生雖左近數步亦久不出蓋其  
勢使然非故作是態以要人也重侍以次于萬為謝  
不敏片帛奴不宣

荅于仲允

賤手今九閱月而未愈坐是于親朋請謁多廢望日  
一出滿擬晤言而仙騎乃有金盤之徒甚恨不得追  
後塵也蓋與山僧有約亦甚久矣想顧盼之餘有足  
樂者區區荒村不免日有不切之應酬嘗欲登此山

緋細數日未能也嘉惠忽至宜此衰老感荷

人書

積晴忽陰方有冬意手墨劃下醉之以醇醲飽之以甘肥孰謂寒谷其春蓋如此哉皆盛德也親友之間苟有可以効使令者義之所在而謝言鄭重徒增慚悚而已畧此以復將命悉需晤言以既

與曾子白

頽汨塵垢之下不能以束櫝之末奉起居者踰年矣瑤花瓊樹如此向往何歲新春半高堂重席履用之裕樂育之盛可以想見惟是豚犬不自揣量昨拜

講下猥辱耳提面命者無所不至感刻有造無窮其也季冬之間膠于叢脞上負盛意甚矣茲令撥置復望烏塵得不督過而終惠之幸甚庭槐已有秋意摩厲當在老于泚筆以俟頌言不宣

荅李仲和

時雨宜農忽領教帖敬審侍奉晏福合堂安裕其何喜之如名饒厚餉復此講謝鄉党親契苟有可以少効區區者義所當狀也况足下年方盛壯自天之福如川之增僕何力之有烏侍次使春不及一一申謝悉需旦晚良晤以既不宣

与管叔泰

比辱尊頤且拜厚貺茅荒涼弗克少淹泛者為可愧耳區、賤疾依所教荷頽夫遣子携藥相過曲終其情多非藥餌今已一百一十餘日酸軟痛硬如故殆血氣衰耗使然殊不可曉也中間所踰文字杜撰得數語未知可尊意否董去藁請呈盤湖諸巨眼恐有未安當脩削之苟無疵類可以拈出狀後寫正本也悉在裁下時暑餘惟珍調以需殊擢

與高本齋

不晤對不奉書今三年于此矣比車從歸自京師且

有榮擢慶候之禮皆以老病廢眷中又以僮仆傷手骨脫筋縱今七閱月四更醫而酸楚軟弱如故親交缺典又此之故竊想海量必不責也茲者不意伯氏敬齋提奉遽捐館舍手足高義必不能堪大旆亦必暫回主維其事中閒貴體常小不佳近者家姪便邊有小冗不及修問甚是悵快大抵痔瘡亦必深治深治決多用寒涼則不死于大体有妨也只得不甚害于起處斯可矣余千一僧素有下漏得年七十之上其人善飯遇勞則疾甚逸則廢几耳為吾計者但不必自勞具身心可也僭進一得之愚不審高見以為

狀否承顏或有涯尚焉傾倒不宣

與舒易齋

逢氏之聚轉眄半年賤體齒齠未已而目青繼之目  
青未已而耳疾繼之目幾于眇耳幾于聵今幸庶几  
且喜貴足一向無苦中昨以六月初二日赴薛招其  
四日即離倪市五日抵竹庄逆歸者以六日媒者至  
七日遣訂多烟盟故也由新第路口瞻望碣石悵  
快而已高第來索文字甚契且病無憊又雜應酬豈  
有情致及此堅不肯去脚將黃葉止見啼耳并用發  
一咲也不宣

與饒元可

前秋獲登君子之堂喬林清池不異疇昔為之嘆喜  
者累日開名尊叙情話骨肉之義藹狀稟違之際又  
俾挾纊以去感愧迨今未已也春和合堂長幼想萬  
福區老病患荐至夏初天一孫其况味蓋如此昨  
荷幼郎君惠書謂將可以下頽延企者久之杳然何  
也想志在進脩月異而歲不同矣茲因次頽執經子  
白講下承動靜并布謝萬一

與饒元凱

前秋率然造于賓階得叙親戚骨肉之情話繼日連

宥叨擾蓋亦甚矣稟違之際又辱厚貺感愧以之并  
別來容易兩載日春竊想合堂尊幼万福區、老來  
病患荐至去夏天一孫才五歲其况味盖如此耳城  
中相從者必時一入毋矜處必安茲因次見執經子  
白講下謹承動靜并叙謝萬一

代胡與李求婚

某同飲越溪之水而抗塵走俗未嘗一望大君子之  
履焉輒敢以賤姓名通于下執事者灵芝在山燁狀  
之光藹狀之氣瞻而衰之者盖久海涵地負何所不  
容是以無恐初冬薄寒敬惟吉德具備時措之宜尊

候曷福某仰特尊慈輒有稟悃長孫某才質駑下等  
未知方近者王君某荐相過議及長院愛玉姻配聳  
之慚悚無地名門衣冠礼樂所由來遠矣矧惟先政  
宣慰公以不世出之大才為國家奉使海上其雄豪  
之氣足以摺蠻夷其剛正之辨足以定岷強歸而称  
旨光在史冊長篇短歌復膾炙天下後世之口其流  
風遺澤繼志述事者政未已也顧此葦門圭竇之家  
亦何敢妄為攀附復自循省前代中興之際某公由  
外入拜右僕射而我祖文定公亦纂脩獲追朝請之  
後其声光相望而論道經邦之際亦宜甚相敵者也

酌之于此 則大小天淵其何敢啟此齒稽之先世  
之好則或可以少望後塵之萬一也由是不避謹訶  
而聞之下執事苟辱不鄙而賜之盟則豈唯某也得  
在收錄之餘其自二公而下實嘉賴之敢以為請合  
堂尊春不敢輒申起居者拜書之始也奔走先後之  
請願此衰老其或不任尤所不敢總干尊照

代書

區、忝在姻婭之末而不及一識荊州雖抗塵走俗  
之踪自取踈外而泰山北斗之仰未嘗一日忘也初  
冬未寒竊想尊履康裕仰恃海量輒有稟事寒微不

振之家負薪不孝之子往者重蒙令弟親家俯賜收  
錄歸寧既久願此貧窶略不能少相問遺自知罪矣  
妻兄宣卿下願極言荷尊前萬叙夙好作成和氣此  
真盛德事也詳托宣卿面覆尚賴終惠豚大雖駕下  
亦豈木石不知所感戴哉謹冒昧拜此甚不謹稽萬  
告眷恕不宣備

代書

曩歲家兄未迂竹莊曾蒙尊願茅齋之中飽挹光霽  
且所懸河之論足感平生自此汨沒壠畝之間奔走  
塵埃之中無由一承良覲唯有瞻望河漢之光即辰

雪寒君子有相履用必佳仰恃尊慈輒有稟悃余于  
鍾時茂有第三子曰文郎前年曾從其師就孝于家  
兄竹莊之上殊疊、可教趨向甚不早也而未有姻  
盟某不避僭越欲為令愛玉謙之頌此歲晚未敢造  
次輒布此紙聞于左右尚冀開春專造台度以既干  
瀆尊嚴恐悚之甚餘為茵鼎加厚以揀斯文

荅徐天麟四六

不度衰年復忝累事因此絲羅之附遂成家室之宜  
豈料眷情特頒厚禮羸肩在俎益思樊將軍之雄蟻  
醞浮杯敢效陶先生之醉鄭重甚矣感荷以之筵敢

言于花烛時最貴于椒盤尚冀聽車下臨媧室

代書

陳永仲姪娶彭以  
書請道士彭大年

礼称犹子已歌家室之宜古有真人必借光輝之及  
筵聞花烛仙降蓬瀛雖無庭實旅伯之儀愿听道德  
五千之誨媧藏蕞尔鶴取騙然

番禺仲公李先生文集卷之三十

欽定四庫全書  
歐陽文忠公集卷之八十一  
經筵講官  
歐陽文忠公集卷之八十一  
經筵講官  
欽定四庫全書

番易仲公李先生文集外附卷之三十一

外附錄

荅書

集頓首再拜仲公先生文凡胡士則携高文見示深  
羨山林之日多道德之造厚區。早從應酬晚嬰痼  
疾相望霄壤固其宜也比賜教輒申辨問非敢贊辭  
實以啟孳者之眊究云耳過蒙謙荅何以克當目育  
之餘已無讀書之分但倚朋友誦以服繹或令子弟  
誦而听之齋虛夜長絳燭之賜為助甚沃又以知閣  
下每欲深補其不足之意感荷。俟菴新命直是



高古輟復次韻以奉一笑不揆其不足以續貂或有  
誨言更望徃復亦暮年之一樂也伏楮不勝新年之  
祝小詩戲多書帛尾不罪墨一丸送之冬詩李書  
封一二帝來看以諷孫雅奉狀不宣

番易仲公李先生文集外附錄卷之三十一



佚存未備之書購求原本鈔錄所有書  
目附于卷末俟再得秘藏之本陸續繕  
成以行于時茗溪漫士識

漢書地理補注 一百三卷吳卓信編

九朝編年備要 三十卷宋陳均撰

政和五禮新儀 二百二十卷宋鄭居中等  
奉勅撰

金佺粹編 二十八卷續編五十卷宋岳珂  
撰依宋刊本錄

名臣碑傳琬琰集 一百七卷宋杜大珪編  
依宋刊本錄

金石續錄 四卷劉青藜著

苔雪金石考 四卷

祿山事蹟 三卷 唐姚汝能纂

宣靖備史 四卷

南渡錄 四卷 宋辛棄疾著

登西臺慟哭記 一卷 明吳苑庵錄本

太白陰經 八卷 唐李筌撰

練兵秘要陣紀 述二卷 宋岳飛編 明劉基補

奇門斷 閩奇局 諸格 歌訣 一千八十

六壬鈴 十二卷

內經素問 原刺法論今補錄 本病論 此二論 宋本

續名醫類案 六十卷 魏之琇撰

宣德彙器譜 二卷

博古鏡 四卷 明于承祖輯

長短經 九卷 唐趙彛撰

劉賓客文集 三十卷 外集十卷 唐劉禹錫撰

徐騎省集 三十卷 宋徐鉉撰

小畜集 三十卷 宋王禹偁撰

穆叅軍集 三卷 附錄遺事一卷 宋穆修撰

東觀外集 三卷 宋魏野撰

斐然集 三十卷 宋胡寅撰

後村居士集 五十卷 陸潛校 宋本重錄

後村全集 六十卷 明季鈔本 曹棟亭藏本

滄水文集 二十卷 金趙秉文撰

默庵集 五卷 元安熙撰 季滄葦藏本 重錄

栲栳山人集 三卷 元岑安卿撰

玉筍集 十卷 元張憲撰

靜思集 十卷 元郭鉉撰

疎庵文集 三十一卷 元李存撰

觀象玩占 五十卷 附天元玉歷祥異賦 二卷 五玉歷通政經 二卷

十一家注孫子 宋本四卷 今分八卷 重錄

蘭亭考 十二卷 宋秦世昌輯

蘭亭續考 二卷 明俞松輯

經鉏堂雜著 八卷 宋倪思撰

寶真齋法書贊 二十八卷 宋岳珂撰

玉山倡和 二卷

玉山遺什 二卷

畏壘山人文集 四卷 徐昂發撰

演禽數 六卷 諸葛孔明著

傷寒紀玄妙用集 元尚從善編 十卷

經金堂重金



